

სახელმწიფო შესყიდვის შესახებ ხელშეკრულება N42/2022

ქ. თბილისი

ერთის მხრივ, სსიპ „საპენსიო სააგენტო“ (შემდგომში „შემსყიდველი“) წარმოდგენილი მისი დირექტორის გიორგი დანელიას სახით და მეორეს მხრივ, შპს „ორიენტ ლოჯიკ“ (შემდგომში „მიმწოდებელი“) წარმოდგენილი მისი დირექტორის ვაჟა ნასყიდაშვილის სახით, სახელმწიფო შესყიდვების კანონმდებლობისა და პრეტენდენტის შპს „ორიენტ ლოჯიკ“-ის სატენდერო წინადადების საფუძველზე, ელექტრონული ტენდერის (SPA220001288) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე;

1. ხელშეკრულების საგანი

1.1. ხელშეკრულების საგანს წარმოადგენს სსიპ „საპენსიო სააგენტოს“ საჭიროებისათვის კომპიუტერული მოწყობილობები და აქსესუარების (CPV 30200000) კერძოდ: 8 ცალი ხისტი/მყარი HDD დისკების (CPV 30233132) (შემდგომში - **საქონელი**) სახელმწიფო შესყიდვა მონტაჟით;

2. ხელშეკრულების ღირებულება

2.1. ხელშეკრულების საერთო ღირებულება შეადგენს 79,520.00 (სამოცდაცხრამეტი ათას ხუთას ოცი) ლარს (შემდგომში - **საერთო ღირებულება**).

2.2. „საერთო ღირებულებაში“ შედის საქონლის მოწოდებასთან დაკავშირებული ყველა ხარჯი და საქართველოს კანონმდებლობით დადგენილი ყველა გადასახადი, რომლის გადახდაც ეკისრება „მიმწოდებელს“.

3. საქონლის მიწოდების პირობები

3.1. „საქონლის“ მიწოდება (მონტაჟით) განხორციელდება წინამდებარე ხელშეკრულებით, სატენდერო დოკუმენტაციის დანართი №1 და დანართი №2-ით განსაზღვრული პირობების შესაბამისად, რომელიც წარმოადგენს ამ ხელშეკრულების განუყოფელ ნაწილს;

3.2. „საქონლის“ მიწოდება (მონტაჟით) განხორციელდება ხელშეკრულების გაფორმებიდან 75 (სამოცდათხუთმეტი) კალენდარული დღის ვადაში „შემსყიდველის“ მისამართზე თბილისი, ყიფშიძის 7ბ;

4. შესყიდვის ობიექტის მიღება-ჩაბარების წესი

4.1. „საქონლის“ მიწოდებისა და სამონტაჟო სამუშაოების მიღების დადასტურების მიზნით, მხარეებს შორის გაფორმდება მიღება-ჩაბარების აქტი.

4.2. მიღება-ჩაბარების აქტის საფუძველზე „მიმწოდებელი“ წარუდგენს „შემსყიდველს“ საგადასახადო ანგარიშ-ფაქტურას საგადასახადო კოდექსით გათვალისწინებულ ვადებში და წესით.

5. ანგარიშსწორების ფორმა და ვადები

5.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

5.2. ანგარიშსწორების საფუძველია წინამდებარე ხელშეკრულების მე-4 მუხლით გათვალისწინებული დოკუმენტაციის „შემსყიდველისთვის“ წარდგენა;

5.3. „მიმწოდებელთან“ ანგარიშსწორება ხორციელდება ერთჯერადად, წინამდებარე ხელშეკრულების 5.2. პუნქტით გათვალისწინებული დოკუმენტაციის წარმოდგენიდან 10 (ათი) სამუშაო დღის ვადაში.

5.4. „მიმწოდებლის“ მიერ წინამდებარე ხელშეკრულების 5.2. პუნქტით გათვალისწინებული დოკუმენტის წარმოდგენლობის შემთხვევაში, „შემსყიდველს“ „საერთო ღირებულების“ ანაზღაურების ვალდებულება არ წარმოეშობა;

6. მხარეთა უფლება-მოვალეობები

6.1. „მიმწოდებელი“ ვალდებულია:

6.1.1. უზრუნველყოს ახალი, ხარისხიანი და უნაკლო საქონლის მიწოდება „შემსყიდველის“ მისამართზე: თბილისი, ყიფშიძის 7ბ;

6.1.2. აწარმოოს მოწოდებული „საქონლის“ სამონტაჟო სამუშაოები, ისე რომ არ დაირღვეს „შემსყიდველის“ ბალანსზე არსებულ შემნახველ მასივის (სერვერის) (K2Q36B HPE 3PAR 8200 2N+SW Storage Field Base CZ29320LHT) მწარმოებლის გარანტია;

6.1.3. უზრუნველყოს №1 დანართის (ფასების ცხრილი) შესაბამისად მწარმოებლის 3 (სამი) წლიანი ტექნიკური მხარდაჭერა და საგარანტიო ვადა. ამ ვადის განმავლობაში გამოვლენილი რაიმე ხარვეზის ან შეუსაბამობის შემთხვევაში, „მიმწოდებელმა“ საკუთარი ხარჯებით უნდა უზრუნველყოს გამოვლენილი ნაკლის/ხარვეზის აღმოფხვრა, „შემსყიდველის“ მიერ განსაზღვრულ გონივრულ ვადაში, „შემსყიდველის“ მხრიდან დამატებითი დანახარჯების გაწევის გარეშე;

6.2. „მიმწოდებელს“ უფლება აქვს:

6.2.1. ხელშეკრულების ფარგლებში მოითხოვოს დროული და სრული ანაზღაურება.

6.3. „შემსყიდველი“ ვალდებულია:

6.3.1. მოახდინოს ანგარიშსწორება ხელშეკრულებით გათვალისწინებული პირობების შესაბამისად;

6.3.2. დაიცვას ამ ხელშეკრულებითა და მისი დანართებით გათვალისწინებული ყველა პირობა.

6.4. „შემსყიდველს“ უფლება აქვს:

6.4.1. აწარმოოს ხელშეკრულების პირობების შესრულების და მოწოდებული საქონლის ხარისხის კონტროლი, ასევე ზედამხედველობა სამონტაჟო სამუშაოებზე;

6.4.2. განაცხადოს უარი უხარისხო საქონლის მიღებაზე.

6.4.3. განაცხადოს უარი უხარისხოდ წარმოებულ სამონტაჟო სამუშაოებზე;

6.4.4. „მიმწოდებლის“ მიერ ხელშეკრულებით გათვალისწინებული პირობების დარღვევის შემთხვევაში შეატყობინოს აღნიშნულზე და განუსაზღვროს ვადა ვალდებულებების დარღვევის გამოსწორებისთვის ან/და შეწყვიტოს ხელშეკრულების მოქმედება.

7. ფორს-მაჟორი

7.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია ფორს-მაჟორული გარემოებების ზეგავლენით.

7.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გათვალისწინებელი ხასიათი. ასეთი გარემოება შეიძლება გამოწვეულ იქნეს საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით, ომით, სტიქიური მოვლენებით, ეპიდემიით, კარანტინით და სხვა.

7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება,

დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

8. ხელშეკრულების პირობების და ფასების გადასინჯვა

8.1. ხელშეკრულებაში ნებისმიერი ცვლილება-დამატება ხორციელდება ორივე მხარის მიერ ხელმოწერილი წერილობითი შეთანხმების სახით, რომელიც წარმოადგენს წინამდებარე ხელშეკრულების განუყოფელ ნაწილს.

8.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.4. წინამდებარე ხელშეკრულებაში ცალმხრივად შეტანილი ცვლილებები და დამატებები ბათილია შეტანის მომენტიდან.

9. დავების გადაწყვეტა

9.1. მხარეთა შორის წარმოქმნილი ყველა დავა და უთანხმოება გადაწყდება ურთიერთშეთანხმების გზით.

9.2. თუ მხარეთა შორის შეთანხმება ვერ იქნება მიღწეული, დავა გადაწყდება საქართველოს სასამართლოში, საქართველოს მოქმედი კანონმდებლობით დადგენილი წესით.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, დაუყოვნებლივ უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს შეთანხმების სახით.

11. ხელშეკრულების პირობების შეუსრულებლობა

11.1. ხელშეკრულების პირობების არაჯეროვანი შესრულების ან შეუსრულებლობის შემთხვევაში, მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.

11.2. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არაჯეროვანი შესრულების შემთხვევაში „მიმწოდებელს“ ეკისრება პირგასამტეხლო ხელშეკრულების ღირებულების 0,07%-ის ოდენობით თითოეულ დღეზე „შემსყიდველისაგან“ შესაბამისი შეტყობინების მიღებიდან ხარვეზის/ების

აღმოფხვრამდე / ნაკისრი ვალდებულების სრულად და ჯეროვნად შესრულებამდე.

11.3. პირგასამტეხლოს გადახდა არ ათავისუფლებს „მიმწოდებელს“ ხელშეკრულებით გათვალისწინებული ვალდებულებების შესრულებისაგან.

11.4. იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის ან არაჯეროვნად შესრულების შემთხვევაში დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, „შემსყიდველს“ უფლება აქვს შეწყვიტოს ხელშეკრულება.

12. ხელშეკრულების შეწყვეტა

12.1. წინამდებარე ხელშეკრულება შესაძლოა შეწყდეს:

12.1.1. ხელშეკრულების ვადის გასვლის გამო;

12.1.2. ხელშეკრულების შეწყვეტის თაობაზე მხარეთა წერილობითი შეთანხმების საფუძველზე;

12.1.3. „შემსყიდველის“ ინიციატივით, ცალმხრივად იმ შემთხვევაში თუ „მიმწოდებელი“ დაარღვევს წინამდებარე ხელშეკრულებით გათვალისწინებულ ვალდებულებას;

12.1.4. საქართველოს მოქმედი კანონმდებლობით გათვალისწინებულ სხვა შემთხვევებში.

13. ინსპექტირების პირობები

13.1. ხელშეკრულების შესრულების კონტროლს განახორციელებს „შემსყიდველის“ მთავარი ტექნოლოგიების ოფიცერი, საინფორმაციო ტექნოლოგიების დეპარტამენტის უფროსი ნიკოლოზ გაგნიძე (შემდგომში - კოორდინატორი);

13.2. კოორდინატორის ფუნქციებია:

13.2.1. „მხარეების“ მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.

13.2.2. ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება და „მიღება-ჩაბარების“ აქტის გაფორმება.

13.3. კონტროლისა და ზედამხედველობის შედეგად გამოვლენილი ხარვეზების შემთხვევაში „შემსყიდველი“ დაუყოვნებლივ შეატყობინებს „მიმწოდებელს“ აღნიშნულის თაობაზე და განუსაზღვრავს გონივრულ ვადას ხარვეზების აღმოსაფხვრელად.

14. დამატებითი პირობები

14.1. ხელშეკრულება ძალაშია მხარეთა მიერ მისი ხელმოწერის დღიდან და მოქმედებს 2022 წლის 30 დეკემბრის ჩათვლით, გარდა მე-6 მუხლის 6.1.3. პუნქტისა.

15. გამოყენებული სამართალი

15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. დასკვნითი დებულებები

16.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.

16.2. „მიმწოდებელს“ უფლება არ აქვს გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

16.3. ხელშეკრულება შედგენილია ქართულ ენაზე, ხელშეკრულებაზე შესრულებულია კვალიფიციური ელექტრონული ხელმოწერა ან/და დასმულია კვალიფიციური ელექტრონული შტამპი კანონმდებლობით დადგენილი წესის შესაბამისად.

17. მხარეთა რეკვიზიტები

„შემსყიდველი“

სსიპ „საპენსიო სააგენტო“
მისამართი: ქ. თბილისი, ყიფშიძის 78
ს/კ 205 364407

საბანკო რეკვიზიტები:

სახელმწიფო ხაზინა

ელ. ფოსტა: info@pensions.ge

„მიმწოდებელი“

შპს „ორიენტ ლოჯიკ“

მის : თბილისი; ვასო გომიაშვილის ქუჩა, N71

ს/კ 202052054

მომსახურე ბანკი სს „ბაზის ბანკი“

ბანკის კოდი CBASGE22

ა/ანგარიში GE96 BS00 0000 0005 9368 72

ელ. ფოსტა: tenders@ol.ge

დირექტორი

ვაჟა ნასყიდაშვილი

დანართი N1

№	საქონლის დასახელება	საქონლის ძირითადი მახასიათებლები (მისაწოდებელი საქონლის მწარმოებლის, წარმოშობის ქვეყნის და მოდელის მითითებით)	განზომილება	რაოდენობა	ერთეულის ღირებულება (ლარი)	ჯამური ღირებულება (ლარი)	ქარხნული მხარდაჭერა და საგარანტიო ვადა
1	ხისტი/მყარი დისკი HDD (მონტაჟით)	1.2. TB მოცულობის 10K SAS 2.5.in მყარი დისკი HPE -ჩინეთი K2P93B	ცალი	8	9940.00	79520.00	მიღება- ჩაბარებიდან 3 (სამი) წელი
სულ ჯამი						79520.00	

„შემსყიდველი“

სსიპ „საპენსიო სააგენტო“

ს/კ 205364407

„მიმწოდებელი“

შპს „ორიენტ ლოჯიკ“

ს/კ 202052054

დირექტორი

ვაჟა ნასყიდაშვილი

გიორგი დანელია

დირექტორი

სსიპ საპენსიო სააგენტო

